



JABATAN PERKHIDMATAN VETERINAR

LAPORAN PEMANTAUAN MEDIA

6 JANUARI 2025 (ISNIN)

Penternak panik, 14 ekor kambing mati mengejut

MEDIA	RUANGAN	MUKA SURAT	TARIKH
Kosmo	Negara	2	6 Jan

Penternak panik, 14 ekor kambing mati mengejut

DUNGUN – Seorang penternak panik apabila 14 ekor kambing baka Boer peliharaannya tiba-tiba mati di Kampung Besol Lama, Bukit Besi di sini sejak minggu lalu.

Mina@Zulkifli Mat Husin, 58, berkata, kesemua kambing itu mati satu demi satu bermula Rabu minggu lalu menyebabkan dia kerugian lebih RM15,000.

Pada mulanya, kambing-kambing tersebut kurang aktif dan hilang selera selain cirit-birit. "Selernya, minpi ngeri saya bermula dengan enam ekor kambing mati mengejut pada 1 Januari lalu, diikuti baki lapan ekor lagi beberapa hari kemu-

dian," katanya di Kampung Besol Lama, Bukit Besi di sini semalam. Menurutnya, kesemua 14 ekor kambing yang mati itu berusia antara dua hingga enam tahun dan telah matang untuk dipasarkan.

Katanya, seekor kambing betina bunting turut mati akibat penyakit sama kelainan.

"Sampai sekarang saya tidak tahu puncanya. Pegawai Jabatan Perkhidmatan Veterinar telah dua kali datang ke kandang untuk merawat kambing-kambing saya.

"Begitupun kematian tetap berlaku dan sekarang ini masih terdapat beberapa ekor kamb-

ing kelihatan tidak bermaya," katanya.

Sebelum ini katanya, 10 ekor kambingnya juga pernah mati, menyebabkan dia kerugian lebih RM10,000 pada Ogos tahun lalu.

Ahli Dewan Undangan Negeri Bukit Besi, Ghazali Sulaiman berkata, JPV Terengganu telah mengambil sampel organ kambing ternakan Mina@Zulkifli yang telah mati untuk dianalisa bagi mengesan punca penyakit tersebut.

"JPV negeri memberi jaminan terus memberi rawatan bagi menyelamatkan baki 26 ekor kambing milik penternak itu yang masih selamat," katanya.



MINA@ZULKIFLI melihat dua bangkai kambingnya di Kampung Besol Lama, Bukit Besi, Dungen semalam.

14 ekor kambing mati, penternak rugi lebih RM15,000

MEDIA	RUANGAN	MUKA SURAT	TARIKH
Utusan Malaysia	Negara	Online	6 Jan



DUNGUN: Seorang penternak kambing di Kampung Besol Lama, Bukit Besi, di sini berputih mata selepas 14 ekor kambing baka Boer miliknya mati sejak Rabu lalu. Mina@Zulkifli Mat Husin, 58, berkata, sehingga hari ini dia kerugian lebih RM15,000 selepas seekor demi seekor kambing dewasanya mati secara berperingkat. “Pada awalnya, saya dapati kambing kurang aktif dan kurang makan serta ada yang cirit-birit dan enam daripada 40 ekor kambing itu mati pada 1 Januari lalu. “Saya tak tahu kenapa

kambing ini mati. Minggu lepas, kambing saya aktif seperti biasa,”katanya ketika ditemui di kandangnya, hari ini. Mina berkata, semua kambing yang mati itu berusia antara dua hingga enam tahun dan telah sedia untuk dijual. “Pagi tadi, dua ekor lagi kambing saya termasuk seekor kambing betina yang bunting turut mati,” katanya yang menternak kambing pelbagai baka sejak 15 tahun lalu.

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR